

ያይቆኑቤ ኪኢቶ" ዓይያ ካሮ"

ሐይ ያይቆኑቤ ኪኢታ" ዓሲ ናንጋንዳ ጎይህ ደቀ ማሊህ ዓርቄያ ማዓዛ፣ ኪኢታ" ፃኣፕንቴህያ ዬኖ ዎድ"ና ዓጮ" ቢያይዳ ላኣሊንቲ ዓኣ ፆኦሲ ዳሮ"ሞኬ፤ ኪኢቴሎ ፃኣፕህ' ዔራቶ ኑ ማደይዳ ፔኤሻንዳ ጎይህና ዬሱሴ ጉሙርቃ ዓሲ ናንጋንዳ ናንጋ ፔጋዲ ዔርቲያ ማዓንዳጉዲ ጌኤሺ" ዔርዛ ጎይህ ኬኤዛኔ፤ ዬይያኣ፡- ማንቃቶና ዖርጎቹሞና ዛላ፣ ዳቢንታቴያ ዛጋኒ ጌሺህ ዛላ፣ ዓሲኮ ኮሹሞ ዛላ፣ ቁኢሩሞ ዛላ፣ ጉሙርቁህና ኮሺ ማደና ዛላ፣ ዒንዲርሲኮ ኮሹሞንታ ፑርቱሞንታ ዛላ፣ ዔራቶ ዛላ፣ ዎሊና ፑርቲህ ዛላ፣ ዖቶርሙሞና ሽሌዑሞና ዛላ፣ ኮይሱሞ ጎይህና ሜሌ" ዓሲዳ ዎጊህ ዛላ፣ ዓኣ ባኣዚ"ና ሄርሺንቲና ሆኦሊ"ንቲህና ዛላ፣ ዳንዳዒህና ሺኢጲህና ዛላ፣ ዬሱሴ ጉሙርቃ ዓሳ ዔራኒ ኮይሳ ባኣዚ" ፓይዲ ፓይዲ ፃኣፕኔ።

ሐና" ኪኢታ" ባሼ ፔጋሲ ኬኤዛህ ዬሱሴ ጉሙርቃ ዓሳ ዬሱሴ ጉሙርቁያ ናንጎ ማደና ዳዎንዳጉዲኬ።

ማፃኣፔላ ዲማ ዲማ ዓርቄ ባኮ

- ዓይያ ካሮ" 1፡1
- ዬሱሴ ጉሙርቁህና ዔራቶና ዛላ 1፡2-8
- ማንቃቶና ዖርጎቹሞና ዛላ 1፡9-11
- ዳቢንታቴ ዛጋኒ ጌሺህና ሜቶና ዛላ 1፡2-18
- ዎይዚህና ማደይዳ ፔኤሻህና ዛላ 1፡19-27
- ዓሲ ዲማሲህ ኮይሱሞ ማዔህ ዛላ 2፡1-13
- ዬሱሴ ጉሙርቁህና ማደና ዛላ 2፡14-26
- ዬሱሴ ጉሙርቃ ዓሲና ዒዛኮ ዒንዲርዛ ዛላ 3፡1-18
- ዬሱሴ ጉሙርቃ ዓሲና ሃያ ዓጮ" ዓሶ ዛላ 4፡1—5፡6
- ዲማ ዲማ ዞሮ 5፡7-20

1 ዓጮ" ቢያ ላኣሊንቲ ዳንዳ ፆኦሲ ዓሶ ማዔ ታጾ ላሞ? ዜርፆሞ፡- ፆኦሲና ጎዳ ዬሱሴ ኪሪሰቶሴናሞ ማደያ ማዔ ያይቆኑቤይዳፓ ዳኪንቴ ኪኢታ፤

ዒንህ ዎዚ ኮሺዳ?

1:1 ማቲ. 13፡55፤ ማር. 6፡3፤ ዳኪ. ማዶ" 15፡13፤ ጋላ. 1፡19።

ጊቢ" ዳንዳዊና ጉሙርቁህና ሃሃ ዔራቶና ዛላ

2 ታ ቢሾንህ! ታ ሚሾንህ! ደማ ደማ ሜታ ቢንህ ሄሌ" ዎድና ኮሺ ባኣዚ" ማሂ ዛጉዋቱ።

3 ዓይጎር ጌዔቶ ቢንህጎ ጉሙርቁፃ ሜቶና ዛጊንታ ዎድና ጊቢ" ዳንዳዊና ቢንህ ዳንቃንዳኔ።

4 ቢንህጎ ጊቢ" ዳንዳዊ ደዲፃ፣ ፔቱ" ባኣዚ"ታፃ ቢንህም ፓጩባኣንቱ ጎኔ ዓሲ ቢንህ ማዓንዳጉዲ ማሆንጎ።

5 ቢንህ ባኣካ" ዔራቶ ፓጩ ዓሲ ዓኣቶ ጸኦሲ ሺኢቆንጎ፤ ጸኦሲያ ዓዛም ቢንጋንዳኔ፤ ዓይጎር ጌዔቶ ዓዚ ፔቱ" ባኣዚ"ታፃ ላኣጉዋፃ ቢያህም ኮሹሞና ቢንጋንዳኔ።

6 ጋዓንቱ ዓሲ ፔቱ"ታፃ ዓልቱዋፃ ጉሙርቁህና ሺኢቆንጎ፤ «ማዓንዳ?» ጌዒ ዓልታ ዓሲ ዠባሬና ሂዒንታያና ዓገፃ ባዞ" ዋኣፃ ጉዴያኔ።

7 ዬያጉዴ ዓሲ ጎዳይዳፓ ፔቱ" ባኣዚ"ታፃ ዳንቃንዳያ ዓዛም ማሎፓ።

8 ዓይጎር ጌዔቶ ዓዛኮ ላምፃ ማሊህ ዓኣሂርና ሃሃ ዓዚ ዔቆ ጎይፃይዳ ሴካ ሃንጋ ጋዓሂርኬ።

ማንቆ ዓሲና ፆርጎቺ ዓሲናኮ ዓኣ ዎዛ

9 ዬሱሴ ጉሙርቁ ጎናሲ ዔኬ ማንቆ ማዔ፣ ሂርኬ ዓሂ ጸኦሲ ዓዛ ዴጊዳንዳሂር ዎዛደንጎ።

10 ሃሃ ጸኦሲ ጉሙርቁ ፆርጎጮ ማዔ ፑኡፖ ዓሂ ዓዛኮ ናንጎ ጸኦሲ ሂርኬ ዴቶዎ ዎዛደንጎ፤ ዓይጎር ጌዔቶ ዓሲኮ ቆሎ ሳፆይዳ ዓኣ ቡኒጉዲ ዲኢናኔ።

11 ዓባ" ፆይዲ ኬሰካፃ ማኣቶ" ሜልዛኔ፤ ቡና"ኣ ዲኢናኔ፤ ሃሃ ሚዛጰማኣ ባባይቃኔ። ዬያጉዲ ፆርጎቺ ዓሲ ፔኤኮ ቆሎ" ዛሎ"ይዳ ሌሊ ጳሽኪ ጉሪ ዓታኔ።

ዓሲዳ ሄላ ሜቶ

12 ፔ ጊዳ" ሙኬ ሜቶ ጊቢ" ዳንዳዊ ደዳ ዓሲ ዓንጂንቱያኔ፤ ዓይጎር ጌዔቶ ጸኦሲ ጫኣቁም ጌሌ ጎይፃና ዓዛ ናሽካ ዓሲም ቢንጋንዳ ኮዡ ናንጎ ቢ ዳንቃንዳኔ።

13 ዓሲ ሜቶይዳ ጌላ ዎድና፡- «ጸኦሲ ታና ዳቢሻኒ ሜቶ ዓንጌ» ጎፆፓ፤ ዓይጎር ጌዔቶ ፑርታ ሜቶ ጸኦሲ ዓሲም ዓሲ ዳቢሻኒ ቢንጉዋሴ፤ ሃሃ ዓዚ ፆናኣ ዳቢሻኒ ፑርታ ሜቶ ቢንጉዋሴ፤

14 ጋዓንቱ ፔቱ" ፔቱ"ህ ሜቶ ዔኪ ዳቢንታህ ፔኤኮ ፑርቶ ሱኡኮ ጊንፃ ዓኣዲ ጌሺንቲሂናኔ።

1:11 ዓሲ. 40፡6-7።

15 ዩካፓ ፑርቶ ሱኩካ ጎጃዲ ጎሜ ሾዓኔ፤ ጎሜያ ዲጨ
ዑጌሰካፓ ሃይቢ ሾዓኔ።

16 ታኢኒ ዒንሢ ናሽካ፣ ታኢኮ ዒሾንሦ! ሚሾንሦ! ጌሺንቲፖቴ፤

17 ኮሺ ማዔ ዒንጊሢንታ ጉቤ ማዔ ዓንጆዋ ቢያ ያኦሲዳፓኬ፤
ዬይያ ሙካሢ ሺቢጉዲ ቤዛፓ ሺኢኪ ላኣሚንቱዋያ፣ ሃሣ ፖያኮ
ቢያ ዓደ ማዔ ያኦዛሢዳፓኬ።

18 ያኦሲ ፔኤኮ ማዢንቶ ቢያሢኮ ኑኩኒ ቤርቲ ማዓንዳጉዲ ፔ
ማላሢዳፓ ጎኑሞ ቃኣሎ"ና ኑና ሾዓኔ።

ዋይዜ ባኮ ማደይዳ ፔኤሻ"ሢ

19 ታኢኒ ዒንሢ ናሽካ፣ ታኢኮ ዒሾንሦ! ሚሾንሦ! ሃይማ
ዋሊ"ፖቴ፤ ዓሲ ቢያ ዔኤቢ ዋይዛኒ ሩኩራያ፣ ኬኤዛኒና ደጋዲ
ጎሪ"ንታኒ ታሣያ ማያንጎ።

20 ዓይጎር ጌዔቶ ዓሲኮ ደጋዲ ጎሪ"ንቲ ያኦሲኮ ዪሉ"ማ ዓሲ
ሸምፖይዳ ኩሙሢ ማዓንዳጉዲ ማሁዋሴ።

21 ዬያሮ ዒኢሳ ባኣዚ"ንታ ዲቦ" ፑርቱሞዋ ቢያ ዒንሢዳፓ
ሸኢሺ ዒንሢኮ ዒኖይዳ ዜርቁንቲ ዒንሢ ዳቁሻኒ ዳንዳዓ ያኦሲ
ቃኣሎ" ሸሌዑሞና ዔኩዋቴ።

22 ቃኣሎ" ማደይዳ ፔኤሻ"ያ ማዑዋቴ፤ ጋዓንቲ ዒንሢ ዒንሢ
ቶኦኮ" ዒንሢሮ ጌሺ ጌሺ ዋይዛ ዓሲ ሌሊ ማዒፖቴ።

23 ቃኣሎ" ዋይዛያ ማደይዳ ፔኤሹ"ዋ ዓሲ፣ ፔኤኮ ዓኣፖ ካሮ"
ሌማሌኤሽና ዛጋ ዓሲ ጉዳያኬ፤

24 ዓይጎር ጌዔቶ ዬይ ዓሢ ፔኤኮ ዓኣፖ ካሮ" ሌማሌኤሽና
ዛጌሰካፓ ዓኣዳኔ፤ ጋዓንቲ ዳካ" ጌዔሰካፓ ዋኣዳታቴያ ዒ ፔና
ዔሩዋሴ።

25 ጋዓንቲ ጎሜ ዓይላቶይዳፓ ጉቤና ዒዛ ኬሳ" ዋጎ ዛጊ ዬያና
ደዳያ፣ ዬያ ዋይዛያ ዋሉ"ዋያ፣ ሃሣ ማደይዳ ፔኤሻ" ዓሢ ዬይ ፔ
ማደ"ና ዓንጂንቲያ ማዓንዳኔ።

26 ዒንዲርዘ ፔኤሲ" ቃዙዋያ «ታ ያኦሲ ካኣሽካኔ» ጋዓ ዓሲ
ፔና ጌሻኔ፤ ዒዛኮ ካኣዣኣ ጉሪኬ።

27 ያኦሲ፣ ዓዳሢ ቤርቶይዳ ፑርታ ባኣዚ" ባኣያ ጌኤሺ ማዔ
ጉሙርቁያ ካኣዣ፡- «ዜኤሮ ናኣቶ"ንታ ሃሣ ዬያጉዲ ዜኤሮይንደ
ማዔ ላኣሎንታኮ ዓኣ ሚቶ" ማኣዲ"ሢና ፔ ቶኦኮ"ዋ ሳያይዳ
ዒኢሳ ባኮይዳፓ ካፒሢኬ።»

2

ዓሲ ዲማሲ ዛጋንዳያ ኮይሱታያ ማዒያ

1 ታ ዒሾንሃ! ታ ሚሾንሃ! ቦንቸንቴ ኑ ጎዳሢ ዩሱስ ከሪሰቶሴ ዒንሢ ጉሙርቃያ ማዒያ ፔቴ"ሢ ባጋሢዳፓ ባሻያ ማሂ ዛጊ ዲሙሞ ሳዛ" ጌሢፖቴ።

2 ጎዖንቴ ላምዖ ዓሲ ዒንሢ ቡከንቴ ቤዘ ሙኬኔ ኑ ጎዖም፤ ፔቴ" ዓሢ ከኤሎ"ይዳ ዋርቄ ዠኢሮ ዓኣሢ ሃሃ ሚዛጲ ማኣዖ ማይንቴ ዖርጎቹ ዓሲ። ባጋሢ ቱርጫዲ ከንቄ ማኣዖ ማይንቴያ ማንቆ ዓሲ ማዒያ።

3 ዒንሢ፡ ሚዛጰ ዓፒሎ ማይንቴ ዓሢ ቦንቸ፡- «ሃሮ" ኮዦ ቤዘሎይዳ ዴዔ» ጌዒጋፓ ማንቆ ዓሢም ጋዓንቴ፡- «ኔኤኒ ያኣሶ ዔቄ ጋዓንዳኔ፤ ሃንጎ ዒንሢ ዒዛ ሃይካ ሙኪ ቶኮ ዴማ" ዴዔ» ጋዓንዳኔ።

4 ዬያይዲያና ዒንሢ ባኣኮ"ይዳ ዒንሢ ፔቴ"ሢ ሂርኪዲ ባጋሢ ባሽ ማሂ ዲሙሞ ሳዛ" ጌሢያ፡ ሃሃ ፑርቱሞና ዓሲዳ ዋጋያ ማዒባኣዓዳ?

5 ታኣኒ ዒንሢ ናሽካ፡ ታኣኮ ዒሾንሃ! ሚሾንሃ! ዋይዙዋቴ፤ ያኣሲ ዒዛ ጉሙርቄ ጎናሲ ዔኪያና ዔያታ ዖርጎቹ ማዓንዳጉዲና ዒዛ ናሽካ ዓሶም ሃጊ ማዓንዳ ዋዛ ማሂ ዒንጌ ካኣቱሞ ዔያታ ዳካላጎዳጉዲ ሃያ ሳዖይዳ ዓኣ ማንቆ ዓሶ ዒዚ ደኣሪባኣዓዳ?

6 ዒንሢ ጋዓንቴ ማንቆ ዓሶ ቦሃኔ፤ ዒንሢ ሜታጎ ዓሶና ሃሃ ዋጎ ቤዘ ዒንሢ ዔኪ ዔኪ ዓኣዳ ዓጎ ዖርጎጮ ዓሶቱዋዓዳ?

7 ዒንሢ ዛሎ"ና ዔኤሊ"ንታ ቦንቸንቴ ሱንዖ ዒንሢኮ ጫሽካሢ ዔያቶቱዋዓዳ?

8 ጌኤዦ ማፃኣፖይዳ፡- «ዓሲ ዓዳ" ኔና ማሂ ናሽኬ» ጌይንቴ ፃኣፒንቴ ያኣሲኮ ቦንቸንቴ ዋጎ ዒንሢ ኩንሃያ ማዒያ ኮሺ ዒንሢ ማዳኔ።

9 ዓሶ ባኣካ" ዒንሢ ዲማሲሢ ጌሜቶ ጋዓንቴ ጎሜ ዒንሢ ማዳኔ፤ ዋጎኮ ዒንሢ ዑሃ ዓኣዲያና ዋጋ" ፔ ቶኣኪና ዒንሢሞ ደቢንቶ ዳዋንዳኔ።

10 ዓሲ' ያኣሲ ዓይሢያ ቢያሢዳፓ ፔቴ" ዳባዖ፡ ሃንጎ ዓቴ"ሢ ቢያ ኩንሜያታቶዋ ቢያሢ ዒዚ ዳቤያ ማዓንዳኔ።

11 «ማቾ ሃሃ ዓኒ ማዒባኣ ዓሲና ላሂፖ» ጌዔ ጎዳሢ ዬያጉዲ ሃሃ «ዓሲ ዋዲፖ» ጌዔኔ፤ ኔኤኒ ማቾ ሃሃ ዓኒ ማዒባኣ ዓሲና ላሂባኣያ ማዒያዋ ዓሲ ኔ ዋዳቴ ዋጎ ኔ ዳቤኔ።

12 ዲንሢ ጌሰታኣና ሃሣ ማዳኣና ዎጋ" ጎሜ ዓይላቶይዳፓ ጉቤ ኬሴ" ዓሲጉዲ ማዑዎቲ።

13 ዓይጎሮ ጌዔቶ ጾኦሲኮ ዎጋ" ዓቶም ጎውዎ ዓሲም ፔኤሮ ዓቶም ጎውዎሴ፤ ያዲ ማዔቶዎ ዓቶም ጌይሢ ዎጌ ባባሻ።

ጉሙርቂሢና ማዶና ዛላ

14 ታ ዒሾንሦ! ታ ሚሾንሦ! ዓሲ፡- «ዩሱሴ ታ ጉሙርቂ።» ጋዓ፣ ጉሙርቂዎ ኮሺ ማዶና ፔጋሲባኣቶ ዒዛ ዓይጎ ማኣዳ"ንዳይ? ጉሙርቂዎ ዒዛኮ ዒዛ ዳቂሻኒ ዳንዳዓ?

15 ኮኣኪንሢና፡ ማኣዓ ባኣዚ"ና ሙዓ ባኣዚ"ና ባኣ ጌርሲንሢ ሃሣ ጌርንሢ ማዓ ዓሲ ዲንሢኮ ዓኣንቲ።

16 ዲንሢ ዔያቶ ናንጎም ኮይሳ ባኮ ዲንጉዎፖ ጉሪ፡- «ኮሺ ዓኣዲዎቲ! ዲንሢም ጾይዶንጎ! ሙዒ ሚሽኩዎቲ!» ጌዔያታቶ ዔያቶ ዓይጎ ማኣዳ"ንዳይ?

17 ዩያሮ ኮሺ ማዶይዳፓ ዳማዴ ዩሱሴ ጉሙርቂሢ ፔ ቶኦኪና ሃይቄያኮ።

18 ጋዓንቲ፡- «ኦኦኒ ታ ዩሱሴ ጉሙርቂ። ጌዒ ጾቶርቃያታቶ፣ ታ ኮሺ ማዶ ማዶያኮ ጋዓ ዓሲ ዓኣቶ፣ ታኣኒ ዒዛም ኦኦኮ ዩሱሴ ጉሙርቂዎ ኔ ማዶ"ይዳፓ ዳማሲ ታና ቤኤዜ፤ ታኣኒያ ታ ማዶ"ና ዩሱሴ ጉሙርቂዎ ታኣሲ" ኔና ቤኤዛንዳኔ» ጋዓንዳ።

19 ኦኦኒ፡- «ፔቲ" ጾኦሲ ዓኣኔ ጌዒ ጉሙርቂ።» ዩይ ኮሺኬ፤ ጋዓንቲ ጉሙርቂዎ ፑርቶ ዓያናኣ ጉጉሙርቂ። ሃሣ ዒጊጨያ ጎጎጋይቃ።

20 ኦኦኒ ሃይ ዔኤያሢ! ማዶይዳፓ ዳማዴ ጉሙርቂሢ ዓኣፒ ባኣያ * ማዔሢ ኔ ዛጋ?

21 ኑ ዓዳሢ ዓብራሃሜ ፔ ናኣዚ" ዩሳኣቂ ዲንጎ ባኮ ሺኢሺ ካኣሽኮ ቤዘይዳ ጾኦሲም ዲንጎ ባኣዚ" ማዓንዳጉዲ ሺኢሺ ዎዶ"ና፡ ማዶና ዒሊ"ባኣዳ?

22 ዩይ ጉሙርቂዎ ማዶና ዎላ" ማዔሢና ጉሙርቂዎኣ ማዶና ጎናዴሢ ኔ ዛጋ?

23 ጌኤዦ ማፃኣፖይዳ፡- «ዓብራሃሜ ጾኦሲ ጉሙርቂ።፤ ጾኦሲያ ዒዛ ፔ ዓሲ ማሄኔ» ጌይንቲ ቃኣላ" ኩሜኔ፤ ዩያይዲያና ዓብራሃሜ ጾኦሲኮ ላጌ" ጌይንቲ።

* **2:20 ዓኣፒ ባኣያ፡-** ጋዓዛ ፔቲ" ፔቲ" ቡሊ"ዎ ማፃኣፓ «ሃይቄያ» ጋዓ። **2:21** ማኸ. ማፃ 22፣1-14። **2:23** ማኸ. ማፃ 15፣6፤ 2ፖኦሲ. ዓሃኬ 20፣7፤ ዒሲ. 41፣8።

24 ዓካሪ ዓሲ ያለ"ሢ ጉሙርቁሢና ሌሊቱዋንቴ ማደና ዋለ" ማዓሢ ኔ ዛጋኔ።

25 ዓሲ ባኣያ ዘኣዛ ኮኣማ፡ ሬዓባ ጌይንታ ላኣሌላ ዒሰራዔኤሌኮ ኪኢቶ" ዓሶ ፔ ማኣራ ዔኪ ሸኣቸንሢያና ሃሃ ጊንሣ ማሌ" ጎይሢና ፑኒንቲ ዔያታ ቶሊ" ዴንዳንዳጉዲ ማሃያና ፔ ማደ"ና ያሊ"ባኣዓዳ?

26 ሽሞፖይዳፓ ዲማዴ ዓሽኪ ሃይቁያታሢጉዲ ማደይዳፓ ዲማዴ ጉሙርቁሢ ያዴ ሃይቁያኬ።

3

ዒንዲርሲ ፑርታ ባኣዚ"ፓ ካፒሢ ዛላ

1 ታ ዒሸንሃ! ታ ሚሸንሃ! ኑኡኒ ዔርዛ ዓሶ ማዔ ዓሳ ዑሃ ዓኣዴ ሜቶ ዔካንዲያ ማዓሢ ዒንሢ ዔራኔ፤ ዬያር ዒንሢዳፓ ሚርጌሢ ዔርዛ ዓሶ ማፖፓ።

2 ዓይጎር ጌዔቶ ኑኡኒ ቢያሢ ሚርጌና ዳቢንታኔ፤ ፔ ጌሰታ ጌኤዘና ዳቢንቱዋ ዓሢ ዬይ ፔና ካፓኒ ዳንዳዓ ጎኔ ዓሲኬ።

3 ፓራሢ ኑሞ ዓይሢንታንዳጉዲ ዳንጎይዳ ኑኡኒ ቢፃላ ጌልዛኔ፤ ዬያይዲ ኑ ኮዔ ቤሲ ፓራሢ ዔኪ ዓኣዳኔ።

4 ሃሃሃ ዋኣያ ካኣሚላ ዋዚ ዴኤፒ ማዔያ ሃሃሃ ዴኤፒ ዠባሬና ሃዒንቲ ዓኣዳያ ማዔቶዋ፡ ዋኣያ ካኣሚሎ ዒሻ ዓሢ ዓልዔቱዋ ባኣዚ"ና ዒዚ ኮዔ ቤሲ ዔኪ ዓኣዳኔ።

5 ዬያጉዲ ዒንዲርሲ ዑፃይዳፓ ዳካ"ታፖ ሚርጌ ዴኤፒ ባኣዚ"ና ፆቶርቃኔ፤ ፑኡፒ ካይዚ ሚቸንታሢ ዳካ" ታሚናኬ።

6 ዬኖ ጎይፆ ዒንዲርሲያ ታሚኬ፤ ዒንዲርሲ ኑ ዑፃ ባኣኮ"ይዳ ጴዳ ፑርታ ዓጪኬ፤ ኑኡኮ ዑፃ ዓኣ ዓሽኮዋ ቢያ ዒኣሳ"ኔ፤ ናንጎ ቢያይዳ ኑኡኮ ዓኣ ጳዠና ዑፃና ቢያ ታሚዳ ሚቻኔ፤ ፔኤርዋ ባይቁዋ ጋኣኣሜ ታሞይዳ ሚቸንታንዳኔ።

7 ጎፃይዳ ዓኣ ካፖንታ ቦፆ ዳኮ"ንታ ዴኤፖንታ ሃሃ ባዘ"ይዳ ዓኣ ማዠንታ ቢያ ዓሲና ዓርቁ ቆለንታኒ ዳንዳዓኔ፤ ዓሲያ ዔያቶ ቆላኔ።

8 ጋዓንቴ ዒንዲርሲ ዓርቁ ቆላኒ ዳንዳዓ ዓሲ ፔቱ"ታፖ ባኣሴ፤ ዒዛ ጌዳ" ዓሲ ዋዳ ባኣዚ" ኩሜያ፡ ሃሃ ሃውሺሢሃያ ባኣ ፑርታ ባኣዚ"ኬ።

9 ዒዛ ዒንዲርዜሎና ኑ ጎዳሢና ኑ ዓዳሢያ ኑ ዓንጃኔ፤ ሃሃ ዒዛና ፆኦሲ ማሎና ማዠንቴ ዓሶዋ ኑ ጋዳንቃኔ።

10 ፔቱ" ዳንጋይዳፓ ዓንጅና ጋዳማና ኬሰካኔ፤ ታ ዒሾንሦ! ታ ሚሾንሦ! ዩይ ያዲ ማዓኒ ኮይሱብሴ።

11 ፔቱ" ዋኣሢ ዓልቃ ቤሰካፓ ኮሺ ዋኣሢና ፑርታ ዋኣሢና ዓልቃኒ ዳንዳዓ?

12 ታ ዒሾንሦ! ታ ሚሾንሦ! ቤሌሴ ሚፃ ዛይቶ ሪሚቶ ዓኣፖ ዓኣፓኒ ዳንዳዓ? ጊንሣ ሃሣ ዋይኔ ቤሌሴ ዓኣፖ ዓኣፓኒ ዳንዳዓ? ዩያጉዲ ፑርታ ዋኣሢ ዓልቃ ቤሰካፓ ኮሺ ዋኣሢ ጴዳኒ ዳንዳዑብሴ።

ጫሪንቺ ዔራቶና ሳዓ ዔራቶና

13 ዒንሢ ባኣኮ"ይዳ ዔራ ማዔያና ጳቂሣያ ማዔ ዓሲ ያናዳይ? ፔኤኮ ማዶ" ዔራቶና ማዔ ኮሺ ናንጊና ፔጋሲ ዳዎንካ።

14 ጋዓንቲ ፑርታ ቁኢሩሞና ፔና ናሽኪሢና ዒንሢሃኮ ዒኖ ጊዳ" ዓኣቶ ያቶርቁፖቲ፤ ጎኔ ባኣዚ"ያ «ዔራብሴ» ጌይፖቲ።

15 ዓይጎር ጌዔቶ ዩኖጉይ ዔራታ" ጴዳሢ ዓጮ"ይዳፓ፣ ዓሲዳፓ ሃሣ ፃላሃይዳፓ ማዓንዳኣፓዓቲሞ ያኮሲዳፓቲብሴ።

16 ቁኢሩሞና ፔና ናሽኪሢና ዓኣ ቤሲዳ፣ ዣሎና ፑርታ ማዶና ቢያ ዓኣያ ማዓኔ።

17 ጋዓንቲ ያኮሲዳፓ ጴዳ ዔራታ" ቤርታሳዖ ጌኤሺኬ፤ ሄሊ"ሳዖ ኮሹሞ ናሽካያ፣ ጊቢ" ዳንዳዓያ፣ ዓይሢንታያ፣ ዓቶሞ ጋዓያ፣ ቃራ ዓኣፒ ዓኣፓያ፣ ዓሲ ዲማሲሢና ዔራያ ፔና ማሊሲሢና ባኣያኮ።

18 ኮሺ ናሽካ ዓሳ፣ ኮሹሞ ዜርቃዖ ዒሉ"ሞ ዓኣፒ ዳንቃኔ።

4

ያኦሲሞ ቆሊንቲሢ

1 ዒንሢ ባኣኮ"ይዳ ዓኣ ያሎና ዑሮ"ና ዓንካፓ ሙኬያዳይ? ዒንሢ ዒኖይዳ ያልታ ዒንሢ ሱኡኮይዳፓ ዔቁያቲሞዳዓ?

2 ዒንሢ ኮዓ ባኮ ዳንቁፃ ባሻዛ ዒንሢ ሞላ" ያልታኔ፤ ሚርጌና ሱኡካዲ ዳንቆ ባሻዛ ዒንሢ ሞላ" ዣላኔ፤ ሃሣ ሞላ" ማርማኔ። ዒንሢ ሺኢጴሢ ሺኢቁሞያ ማዔሢር ዒንሢ ኮዓ ባኮ ዳንቁሞሴ።

3 ዒንሢ ሺኢቁቶሞ ሺኢጴዖኮ ማሂያ ዒንሢ ዳንቁሞኣሢ' ዒንሢ ሺኢቁ ባኮ ዒንሢ ሞዛሲሢዳ ፔኤሻኒ ፑርታ ማሊሢና ሺኢቃሢሮኮ።

4 ዒንሢ ሃይ ጉሙርቁፃ ባኣ ዓሳ! ዓጮ" ናሽካሢ ያኦሲኮ ሞርኬታሢ ዒንሢ ዔራሞዳዓ? ዩያሮ ዓጮ" ናሽካሢ ቢያ ያኦሲኮ ሞርኬ ማዓኔ።

5 ሃሣ ገንሣ ጌኤዡ ማፃኣፖይዳ፡- «ፆኦሲ ዲንሢኮ ዲኖ ጋርይዳ ጌሢ ዓያና" ዲዛም ሌሊ ኑ ማዕንዳጉዲ ሚርጌና ኮዓኔ» ጌይንቴሢ ጉሪዳ?

6 ጌኤዡ ማፃኣፖይዳ፡- «ፆኦሲ ፆቶርቃ ዓሶ ዲፃኔ፤ ሸሌዔ ኮሺ ማዔ ዓሶም ጋዓንቴ ኮሹሞ ዲንጊፆ ዲንጋኔ» ጋዓሢር፣ ፆኦሲ ዲንጋ ኮሹሞ ዲንጊፆ ቢያፓ ባሺኬ።

7 ዬያር ፆኦሲም ዓይሢንቴ ዋርቁዋቴ፤ ፃላሄ ጋዓንቴ ዲፃ ማኩዋቴ፤ ዲንሢዳፓኣ ዲዚ ሃካንዳኔ።

8 ፆኦሲ ባንሢ ዑኩዋቴ፣ ፆኦሲያ ዲንሢ ባንሢ ዑካንዳኔ፤ ዲንሢ ጎሞ ዓሳ! ዲንሢኮ ኩጮ ማሰኪ ጌኤሹዋቴ፤ ዲንሢ ሴካ ሃንጋ ጋዓ ዓሳ! ዲኖ ዲንሢኮ ፒዚሱዋቴ።

9 ሃሣ ዲናፓ ጎኔና ማሊ ሜታዲዋቴ፤ ፆዩዋቴ፤ ሚኢጮ ዲንሢኮ ዬኤፒ ባንሢ፣ ዋዛ" ዲንሢኮ ፆዩሢ ባንሢ ላኣሚንቶንጎ።

10 ጎዳሢ ቤርቶይዳ ዲንሢ ቶኦኮ" ሂርኪዲዋቴ፤ ዲዚያ ዲንሢ ዴ'ጊዳንዳኔ።

ዓሲዳ ኮይሱዋ ጎይሢና ዋጊሢ ዛላ

11 ታ ዲሾንሦ! ታ ሚሾንሦ! ሴካና ሃንጋና ዋሊ ደንኪፖቴ፤ ዓሲ ደንካ ዓሲ ሃሣ ዓሲዳ ኮይሱዋ ጎይሢና ዋጋ ዓሲ ዋጎ ደንካኔ፤ ዋጎይዳኣ ዋጋኔ፤ ዋጎይዳ ኔኤኒ ዋጋያ ማዔቶ፣ ዋጌ ኔ ዋጋያ ማዕንዳኣፓዓቴም ዋጌ ኔ ኩኩንሣያቴዋሴ።

12 ዋጎ ዲንጋሢና ዋጋሢ ፔቴ" ፆኦዛሢ ሌሊኬ፤ ዳቂሻኒያ ባይዛኒያ ዳንዳዓሢ ዲዛ ሌሊኬ፤ ሂዳፆ ዓሲዳ ኮይሱዋ ጎይሢና ዋጋሢ ኔ ፆናዳይ?

ዓኣ ባኣዚ"ና ሂርሺንቴ ዛላ

13 ዲንሢ፡- «ሃኖ"ታቴያ ዚር ሜሌ" ዓጪ ኑ ዓኣዲ ዲኢካ ፔቴ" ሌዔ ዳዓንዳኔ፤ ኮርሚያ ዑሣ ዓኣዴ ሚኢሹ ዳንቃንዳኔ» ጋዓ ዓሳ ዲንሢ ኮሺ" ዋይዙዋቴ።

14 ዓይጎር ጌዔቶ ዚር ማዓንዳ ባኮ ዲንሢ ዔራዋሴ፤ ዲንሢኮ ሸምፓሢ ፔቴ"ና ጴዳፆ ባይቃ ሱኡሌጉዴያኬ።

15 ባሺ ዲንሢ ጋዓንዳያ ኮይሳሢ፡- «ፆኦሲ ጌዔቶ፣ ሃሣ ሸምፓሢ ኩኩ ዓኣያ ማዔቶ ሃያንታ ዬያንታ ኑ ማዳንዳኔ» ጌይሢኬ።

16 ዲንሢ ጋዓንቴ ዬያ ጎፆንደሢ ሃሺ" ዲንሢኮ ዓኣ ባኮና ሂርሺንታኔ፤ ዬያጉዴ ሂርሺንታ ቢያ ፑርታኬ።

17 ዓካሪ ኮሺ ባኣዚ" ማዲሂ ዔራያታዎ ማዲዎ ዓሂኮ፡፡
ማዲዎዎ ሃሺ"ዓ ጎሜ ማዓኔ፡፡

5

ዖርጎጮ ዓሶም ላቲ" ኬኤዘና ባኣዚ"

1 ሃሃ ዓንሂ ዖርጎጮ ዓሳ ሃኒ ዩዒ ዋይዙዋቲ፤ ፑርታ ሜታ
ዓንሂዳ ሄላ"ንዳሂሮ ዒላቲ ዒላቲ ዩኤኩዋቲ፡፡

2 ዓንሂኒ ቆላ" ቢያ ዎዒ ፑርቲ፤ ዓፒሎዎ ዓንሂኒ ቁንቁና
ሙዔ፡፡

3 ዓንሂኒ ዓኣ ዎርቆና ቢሮ"ና ሳልፔ፤ ዩይ ሳልፐ ዓንሂም
ማርካ ማዓንዳ፡፡ ሃሃ ዓንሂኒ ዓሽኮ ዓዳ" ታሚጉዲ ሙዓንዳ፤
ጋፒንዎ ኬሎ"ም ዩያ ዲቦ" ቆሎ" ዓንሂ ቡኩሴ፡፡

4 ያዲ ማዓዛ፡ ሃሃ ጎዞይዳ ዓንሂም ማኣሎ" ቡሪ ፔኤቄ ዓሶም
ኮይሳ ባኮ ዓንሂ ጨገባኣሂሮ ሃይሾ ዓንሂ ዔያታ ቆዳ ዒላታ
ዒላቶ ዔያቶኮ ቢያ ባኮ ዎይሃ ጎዳሂ ዋይዜ፡፡

5 ሳያይዳ ኮሺ፤ ሃሃ ሚርጌና ዎዛሳ ናንጊ ዓንሂ ናንጊዎና ዑዎ
ዓንሂሲ ዓንሂ ዓዳ" ሹከንታኒ ጊኢጌ ቡዋጉዲ ማሊ"ሴ፡፡

6 ጌኤዣሂ ዓንሂ ሉኡዙዎና ዳቤያ ማሂ፡ ዎዲያ ዓንሂ ዒዛ
ዎዳ፤ ጋዓንቴ ዓንሂ ዒዚ ዒዲ ማኩዋሴ፡፡

ሜቶይዳ ጊቢ" ዳንዳዒሂ

7 ታ ዒሾንሃ! ታ ሚሾንሃ! ዓካሪ ጎዳሂኮ ሙኮ ጊቢ"
ካፑዋቲ፤ ጎሽካ ዓሲ ሌዎ ዒሮና ሲሎ" ዒሮና ዴንቃንዳያ
ሄላ"ንዳኣና ጊቢ" ቃራ ዓኣፒ ሳዓፓ ዴንቃኒ ካፓ፤

8 ዓንሂያ ዩያጉዲ ጊቡ"ዋቲ፤ ጎዳኮ ሙኮ ዎዳ" ዑኬሂሮ
ዎዛና ዶዲዋቲ፡፡

9 ታ ዒሾንሃ! ታ ሚሾንሃ! ዓንሂ ጊዶይዳ ዎጊንቲዋጉዲ
ሴካና ሃንጋና ዎላ" ማርሚፖቲ፤ ሃይሾ ዎጋሂ ሙካንዳ ዎዳ"
ሄሌ"፡፡

10 ታ ዒሾንሃ! ታ ሚሾንሃ! ጎዳሂ ሱንዎና ያኦሲ ማሊያ ኬኤዛ
ዓሳ ሜቶ ጊቢ" ዔኪዎና ኮኣኪንሂ ዓንሂም ማዔያታሂ ዔራዋቲ፡፡

11 ሃሂ ጊቢ" ዶዴ ዓሶ «ዓንጃንቲያኬ» ኑ ጋዓኔ፤ ዒዮቤ ጎዎሂ
ዎዲ" ጊቤያታቲያ ዓንሂ ዋይዜ፡፡ ጊንሂ ጋፒንዎይዳ ያኦሲ ዒዛም
ማዴ ኮዦ ባኮዎ ዓንሂ ዛጌ፤ ዩያይዲዎና ጎዳ ማኣራያ፡ ሃሃ
ሚርጌ ሚጨንታዎ ማዔሂ ዓንሂ ዔሬ፡፡

5:3 ማቲ. 6፡19፡፡ 5:4 ላሚ. ዎማ 24፡14-15፡፡ 5:11 ዒዮ. 1፡21-22፤ 2፡10፤
ዓይኑ. 103፡8፡፡

12 ታ ዒሾንሦ! ታ ሚሾንሦ! ቢያ ባአዚ"ኮ ቤርታ ጫሪንቸና ማምም ሳዓና ሃሣ ማሌ" ዓይጎ ባአዚ"ናታዎ ጫአቂፖቴ፤ ጌኤዛ ዒንሢኮ ጎኔና «ሂዮ» ማዕቶ ሂዮ ማምንጎ፤ ሃሣ «ዔይዔ» ማዕቶ ጎኔና ዔይዔ ማምንጎ፤ ያዲ ማዒባአቶ ጋባንቴ ዒንሢዳ ዋጊንታንዳኔ።

13 ዒንሢዳ ባአኮ"ይዳ ማታ ሄሌ" ዓሲ ዓአቶ ሺኢቆንጎ፤ ሃሣ ዋዛዳ ዓሲ ዓአቶ ያኦሲ ጋላቲ ጋላቲ ዓይናደንጎ።

14 ዬያጉዲ ዒንሢዳ ባአኮ"ይዳ ሃርጊንቴ ዓሲ ዓአቶ ሺኢጲዎ ማአር ጨዋ ፔ ባንሢ ዔኤሎ"ንጎ፤ ዔያታ ሙካዎ ሃርጊንቴ ዓሢ ጎዳ ሱንዖና ዛይቶ ቲዡ ቲሸኪ ዒዛም ሺኢቆንጎ።

15 ዬያጉዴ ጉሙርቁሢዳ ዶዲ ዔቁ ሺኢቆ ሺኢጲሢሢ ሃርጌ ዓሢ ዳቂሻኔ፤ ጎዳሢያ ዒዛ ሃርጎይዳፓ ፖዒሳንዳኔ፤ ሃሣ ዬይ ዓሢ ማዳ ጎሜ ዓአቶዋ ዓቶም ጌይንታኔ።

16 ዬያሮ ዒንሢዳ ሃርጎፓ ፖዒኒ ዒንሢኮ ጎሞ ሴካና ሃንጋና ዋሊም ቡኡደንቴዋቴ፤ ሃሣ ፔቴ"ሢ ባጋሢም ሺኢቆንጎ፤ ጌኤሺ ዓሲ ሺኢጲሢሢ ሚርጌ ባአዚ" ማዳ፣ ዳኤፒ ዋልቁ ዓአኔ።

17 ዔኤሊያሴ ጎዎሢ ኑጉዴያ ዓሲታዎ፣ ዒርዚ ሳዎይዳ ዋርቁዋጉዲ ሺኢቁ ዋዶ"ና ሃይሦ ሌዔና ላሆ" ዓገኒና ፔቴ"ታዎ ዒርዚ ዋርቁባአሴ።

18 ሃሣ ጊንሣ ዒዚ ሺኢቁ ዋዶ"ና ጫሪንጫፓ ዒርዚ ዋርቁኔ፤ ሳዓ ጊንሣ ሃአኮ ካሢኔ።

19 ታ ዒሾንሦ! ታ ሚሾንሦ! ዒንሢዳፓ ፔቴ" ዓሲ ጎኩም ጎይፃፓ ኬሰኬያ ማዔም ባጋሢ ዬያ ዓሢ ጎኩም ጎይፃ ባንሢ ማሄቶ፣

20 ጎሞ ዓሢ ዳቢንቴ ጎይፃፓ ማሃሢ፣ ጎሞ ዓሢኮ ሺምፖ ሃይቢዳፓ ዳቂሻያ ማዒዖና ሃሣ ዬያ ዓሢም ሚርጌ ጎሜኮ ዓቶም ጌዒሢ ዴንቁሳያ ማዔሢ ዔሮንጎ።

5:12 ማቴ. 5፣34-37። 5:14 ማር. 6፣13። 5:17 1ካአቶ". ማ 17፣1፤ 18፣1።
5:18 1ዎሊሲ. ዓሃኬ 18፣42-45። 5:20 ኮኦኪ. 10፣12፤ 1ጴ፪. 4፣8።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1